

ԱՇԽԱՏԱՆԱԿԱՆ ՇԱՐԱԳՐՈՒԹԻՒՆ

Մեր ուսումնարանները չեն կարող պարծենալ, թէ այն տեղ շարագրութեան գործը ծաղկեալ վիճակի մէջ է: Աշտակերտները թէպէտ շատ են գրում, բայց շարագրել հազիւ թէ սովորում են: Շարագրելու համար նախ և առաջ հարկաւոր են մտքեր: Իսկ մեր աշակերտները գրում են առանց տէր լինելու շարագրութեան նիւթին: Այս մի ողբալի ճշմարտութիւն է, որ պէտք է անկեղծութեամբ խոստովանենք, առանց ծածկելու իրողութիւնը: Նախ մտքեր, ապա գրել, — ահա այս պէտք է լինի շարագրութեան առաջին և վերջին կանոնը: Մտքեր ասելով պէտք է հասկանալ կենդանի մտածողութիւն իւր մերձաւոր և հեռաւոր յարակից դուրս գործողութիւններով, և ոչ թէ լոկ դատարկ բառեր, թութակի մեռեալ բառեր: Այս պահանջը հեշտ է յայտնել, բայց դժուար է կատարել: Ապա ուրեմն հասկանալի է, թէ որքան կարևոր է մի հրահանգ ունենալ այդ գործը քայլ առ քայլ և հիմնաւորապէս իրականացնելու համար: Ես պէտք է փորձեմ, գերմանական լաւ փորձուած օրինակներին հետևելով, մի այդպիսի հրահանգ կազմել մեր ազգային գրականութեան նիւթերով: Այդ կերպի շարագրութեան ուսուցման մանրամասն տեսութիւնը ուրիշ անգամի թողնելով, առ այժմ գործնական բաժնի մի գլուխ առաջ եմ բերում այստեղ, որպէս ճաշակ և խորհրդածութեան նիւթ մեր ուսուցիչներին: Այս գլուխը ստորին աստիճանին է պատկանում, այն է՝ թեմական դպրոցների ա. դասարանին և ծխական ուսումնարաններին համապատասխան բաժանմունքներին: Երևի ուսուցիչները իսկոյն կը նկատեն, որ այստեղ ներկայացրած է մի անսովոր եղանակ շարագրել սովորեցնելու համար:

ԱԶՔԱՄԱԿ ՇՈՒՆԸ

Մի շուն՝ մօալի ոսկորը բերանին՝ անց էր կենում կամրջով: Կամրջի տակից վազող ջուրը հայելու պէս պարզ ու յստակ էր: Շունը ջրի մէջ նկատում է իր պատկերը, բայց կարծեց, թէ մի ուրիշ շուն է անցնում ջրի երեսով: Սա էլ բերանին ունէր մօի մի մեծ կտոր: Այս

երևոյթից մեր շան խելքը գնաց. նա խօկոյն կլանչեց,
կորցրեց իր բերանի պատառը ու ցած թռաւ կամուրջից,—
հերիք չհամարելով իր ունեցածը. ուզեց օտար շնից էլ
խլել մսի կտորը: Բայց ամառս՝ ջրի մէջ ոչ շուն կար, ոչ
միս. խեղճ աչքածակը խարուել էր իր շուարից:

«Մայրեցի լեզու» Տ. Ղեւոնդեանի

Այս առակը գրելիս առակահախօսը իւր մտքում
էնչ հարցմունքներ պիտի ունենար. Առակահախօսը
հանգիպում է մի շան: Ի՞նչ է տեսնում: Շունը մի մօսլի
ոսկոր ունի բերանին և անց է կենում կամրջով: Էլ ի՞նչ է
տեսնում: Կամրջի տակի ջուրը հայելու պէս է: Ուրեմն ա-
ռաջին հարցմունքներն են—«Ի՞նչ ունի շունը», «Ի՞նչ է տ-
եսնում», «Ի՞նչպէս է ջուրը»: Նա ջրին է նայում: Այս բանի
մէջ քեզ ի՞նչ է հետաքրքրում: Թէ արդեօք նա «Ի՞նչ է նկա-
տում մէջը»: Բայց նա մոլորվում է տեսածից, չի հասկա-
նում բանի խկուլթիւնը: Իսկ դու պատմածից ի՞նչ ես իմա-
նում: Թէ նա «Ի՞նչ է կարծում» իւր մոլորութեամբ: Հիմի
մենք կուզենանք իմանալ այս մոլորութեան հետեանքը, վախ-
ճանք: «Հետեանքն ի՞նչ եղաւ» Ա. Բ. Գ. Դ. Այս բոլորը ի՞նչ
դրդումներով կատարուեց: «Ի՞նչ պատճառով» Ա. Բ. Իսկ
«ժողխարէնն ի՞նչ գտաւ»: «Ինչից էր խարուել»:

Հարցմունքներն ամփոփած.

1. Շունը ի՞նչ ունի, ի՞նչ է տեսնում, ի՞նչպէս էր նրա
տեսած ջուրը:

2. Ի՞նչ է նկատում ջրի մէջ:

3. Ի՞նչ է կարծում:

4. Այդ բանի հետեանքն ի՞նչ եղաւ:

5. Ի՞նչ պատճառով:

6. Շունը ժողխարէնն ի՞նչ գտաւ:

7. Ինչից էր խարուել:

Նոյն հարցմունքներն պատասխանը (յիշողու-
թեամբ) բանաւոր՝ ապա և դրաւոր կերպով.

1. Շունը բերանին ունի մի մօսլի ոսկոր. անցնում է
կամրջով. սրմ տակի ջուրը հայելու պէս խտակ է: 2. Ջրի
մէջ նկատում է նա իւր պատկերը: 3. Բայց կարծում է թէ
տեսնում է մի ուրիշ շուն՝ մսի մեծ կտորը բերանին: 4. Նա
խելքը կորցնում է (Ա), կլանչում է (Բ), բաց է թողնում իւր
բերանի պատառը (Գ), ցած է թռչում կամրջից (Դ): 5. Որով-
հետե՛ հերիք չէր համարում իւր բերանի մէջ ունեցածը, ան-

գոհունակ էր (Ա), այլ ուղեց միւս շան բերանից էլ խելէ մտի կտորը (Բ): Սակայն ջրի մէջ չգտաւ ոչ շունչ, ոչ միտ, մանաւանդ որ իւր պատառից էլ զրկուեցաւ: Դ. Նա խաբուեալ էր իւր շուաքից:

Մտքերի շարքի փոփոխութիւն.

Կամրջին վազէվազ և սողոսկելով մտեցաւ մի շուն: Նա բերանին ունէր գողացած մտի կտոր: Ջրի մէջ յանկարծ տեսաւ մի ուրիշ շուն: Բայց տեսածը լոկ միայն ջրի մէջ ցլացած իւր պատկերն էր: Իհարկէ այդ օտար շունն էլ մտի կտոր ունէր բերանին: Մեր շունը այլ ևս հերիք չհամարեց իւր ունեցած մտի պատառը: Ուղեց օտար շան պատառին էլ տիրանալ: Կրակի պէս թռաւ ջրի մէջ: Այդ ժամանակ իւր բերանից միտը ընկաւ ջուրը: Մնաց դատարկ և փոխարէն ոչինչ չստացաւ:

Կամ.— Ես տեսայ՝ մի շուն յանկարծ թռաւ կամրջից ջուրը և նրա բերանից մտի կտորն ընկաւ ու ջրի մէջ անյայտացաւ: Խեղճը երեւի ջրի մէջ տեսել էր իւր պատկերը, բայց կարծեւ էր, թէ այն մի ուրիշ շուն է, մտի պատառը բերանին: Անշուշտ ուղեցել էր այն էլ ստանալ և այլն, և այլն: Այսպէս նա դատարկ մնաց նաեւ իւր ունեցածից:

Պատմելու հիւրն դարձաւ հոսմն.

Կրկնէր, ինչպիսի շուն գողացել էր մի ոսկոր, այն ևս ինչպիսի ոսկոր, ինչպիսի ջրին մօտեցաւ նա: Հիմի ասա, որ տեղից կարող էր նա գողանալ այն ոսկորը, ինչից երևեցաւ շան աչքածակութիւնը, ինչպէս պէտք է կոչուի իւր կրած պատիժը: Նա ում շունն էր, երբ կարող էր գողանալ, ինչպէս պէտք է դուրս բերէր գողօնքը և ինչպէս պիտի աշխատէր այն փախցնել, ինչո՞ւ: Ինչպէս չքուեցաւ բերանի պատառը, ինչ հալի կը լինէր շունը այդ բանից, ինչ ճար պիտի անէր իւր գլխին, բայց ինչո՞ւ չարեց և այլն, և այլն:

Այս հարցմունքների պատասխանն առնելուց յետոյ, բուրբ նիւթից ձևակերպել մի շարադրութիւն բանաւոր՝ ապա և գրաւոր կերպով:

Նմանատիպ կը թուի լննելը.

Շուկ եւ երկու նապաստակ: Մի որսկան շուն հետամուտ էր մի նապաստակի: Այդ միջոցին նա յանկարծ նկատում է մի երկրորդ նապաստակ ևս ուրիշ կողմից: Այժմ նա ուղում է երկուսին էլ տիրանալ: Սկսում է հալածել երկրորդին, և այդպէս նա քիչ քիչ յոգնում է: Հետեանքը:

Կասու եւ երկու մուկ:

Սղուես եւ երկու նաւ եւ այլն:

Աչքածակ շունը խաբուեց իւր պատկերից. նոյն վիճակէ է ենթարկուում «Խիզախ երեխան»:

ԽԻՉԱՆ ԵՐԵՒԱՅ

Մի օր գաղթականի աղէն, վեց տարեկան Պօղոսը, իւր փայտէ ձին հեծած, առաջին անգամ՝ բարձրացաւ իրանց ստորնայարկ կացարանից վերնայարկի պատշգամբը. մտաւ աղայի սենեակը: Այն տեղ ոչ ոք չկար, սակայն պատին կախ էր տուած մի մեծ սիրուն հայելի. նրա մէջ Պօղոսը տեսաւ մի երեխայ, որը որ սօրան նայում էր զարմացած: Հայելու միջի կարմրաթուշ և սևաչեայ երեխան շատ գեղեցիկ էր: Պօղոսը հիացած՝ ժպտաց: Երեխան էլ ժպտաց: Այս ժպտը Պօղոսին ուրախացրեց. նա ձեռքով նշան արեց երեխին և ասաց. «Արի, կուգէս քեզ նստեցնեմ ձիւ վրայ»: Երեխէն էլ ձեռքով նշան արեց: Պօղոսը գլուխը շարժելով ասաց. «Ձէ, եկ դու ինձ մօտ, ես չեմ գայ»: Երեխէն էլ գլուխը շարժեց, մերժողական նշանով: Պօղոսը տխրեց և թթու կերպարանք չինեց. երեխէն էլ նոյնպէս թթուեց: Հիմի Պօղոսը սպառնաց բռնեցքով: Երեխէն էլ սպառնաց բռնեցքով: Պօղոսը նեղացաւ և երեխի գէմ լեզուն հանեց: Երեխէն էլ լեզուն հանեց: Այս անգամ Պօղոսը շարացաւ և սկսեց իւր ձի-գաւազանով շարաշար ծեծել անպիտան երեխին: Բայց աւանդ, հայելին հազար կտոր եղաւ:—Հիմի աղէն ինչ վայ պէտք է բերէ գաղթական ծառայի գլխին, որ սրա դաւակը այսչափ խիզախ է եղել:

Հեղինակի «Իրազննական դասեր»

Մի եղջերու ևս խաբուում է իւր պատկերից: Բայց այս տեղ պատժուում է ոչ թէ անգոհունակութիւնը, այլ պարճենկոտութիւնը:

Ե Ղ Ջ Ե Ր Ո Ւ

Մէկ եղջերու սառն աղբիւրի
Ջուրն էր խմում խուլ մորում,
Եւ տեսաւ շուքն իւր եղջիւրի
Այն աղբիւրի ջինջ խորում:

Երկար, երկար նայեց բիւրեղ
Զրի խորումն անասան,
Ապա կանչեց, «Ինձ պէս զօրեղ
Դեռ չի եղել այլ դադան».

Ես անառիկ Անտիօքեան
Այս եղջիւրով կաւերեմ,
Նրա զօրքեր, զէնք ու ձիան
Մէկ հարուածով կը գերեմ».

Եւ նա տեսաւ իրան առաջ
Առիւծ ահեղ ու վայրագ,
Լեղապատառ, լալաբառաչ
Փախաւ քամուց էլ արագ.

Բայց անտառում յանկարծ ծառից
Եղջիւրը նրան քեւեռեց,
Նա մահն առաւ այն պատճառից,
Ինչի վրայ յոյս դրեց . . .

Նահապետ Քուչակ (Գ. Ասատուրի մշակած)

Նան աչքածակութեան գէժ մի ուրիշ տեսակի աչքածակութիւն էլ կայ—ազգաւի աչքածակութիւնը.

ՍԵՒ ԱԳՈՒՄԻՆ ՈՒ ՀԱԻԸ

Սե ազգաւն ագա՛հ գող բնութիւն ունի,
Ինչ որ ձեռքն ընկնի, գողանալ տանի:
Մէկ էսպէս ազգաւ տանէր ամէն օր, ուր ինքն քեէր,
Ոսկի թէ արծաթ, ալմազ, մարգարիտ բնումը պահէր:
Հաւն տեսնելով, «ո՛յ իմ բարեկամ», հարցրեց նրան,
Էսպէս բաներից ի՞նչ օգուտ ունիս, որ միշտ ժողովես.
Քեզ դրանք ո՛չ հաց, ջուր, և ո՛չ կերակուր, ո՛չ ապրուստ
կուտան».

— Ախ դու հէր օրհնած, պատասխան տուեց ազգաւն,
ժպտալով.

Աչքածակ, ազգաւն ի՞նչ կը հարցնի օգուտ կամփնաս:
Միան է գողանալ, խլել, յափշտակել և տանը պահել,
Թէկուզ փթին էլ՝ էս տեսակ բաներ մենք չենք հարցնել:
Խաչ, Աբովեան

Շան պատմութիւնը տալիս է նաև առակախօս Լաֆօն-
թէնը, բայց ինչ տարբերութեամբ (համեմատել և «պատմու-
թիւնն» ու «խրատը» ջսկ ջսկ որոշել)։

ՇՈՒՆ ԵՒ ՄՏՈՒԵՐ

Աշխարհի վրայ

Միշտ խաբուելու ենք ենթակայ։

Այնքան շատ են այն յիմարներ,

Որք ստուերին

Վազեն հտեին՝

Որ անոնց թիւ մարդ չդիտէր։

Ջանոնք արժան է խրկել Շան՝

Որու վրայ

Եզոբոսի առակը կայ։

Այս անխելք Շուն, որ իր բերնի որսին պատկեր

Վաղուկ ջրի մէջ տեսած էր՝

Որսը թողուց ու հտեէ վազեց չուքին։

Քիչ մնաց որ ողորմելին

Ալիքներու մէջ խըղդւէր։

Խիստ դժուարաւ

Եզերք հասաւ։

Որս ու ըստուեր անհետած էր։

Լաֆօնթէն (Թարգ. Մ. Նուպ.)

Գոհունակ վիճակի օրինակ է տալիս հովիւը իւր պարզ
և սակաւապէտ կեանքով, տակալու զուարթ սրտով։

ՀՈՎՈՒԻ ԱՆԿՈՂԻՆՆԸ

Սարի լանջն է մահճակալ

Չեչոտ քարը՝ գլխակալ։

Մի հին կարպետ ուսերին, —

Այս է հովուի անկողին։

Երբ անձրև է կաթկաթում

Եւ կապերսը թըխթըխում,

Հովին անուշ քնի մէջ

Քաղցր երազ է տեսնում,

Եւ խնդում, ծիծաղում.

Ուխտայ, ուխտայ, սիրուն հովիւ.

Քունդ անոնչ . . .

Ղ. Աղայեան.

Առտնին լուծելու խնդրներ.

Հարկաւ այս խնդրներն հարեոր նախապատրաստութիւնները պէտք է կատարուին դպրոցում, ուսուցչի առաջնորդութեամբ:

1. Իւրաքանչիւր նախադասութեան տէր բայն մերկացրու միւս բառերից և այդպէս ստացած մերկառարկաները դասաւորիւ իրար տակ: Նոյնպէս մերկացրու բայերը և այդպէս պարզած բայերը դիւ առարկաների հանդէպ.

Ձոր օր. Մի շուն անց էր կենում

Ձուրը իստակ էր

Սա ունէր և այլն:

2. Մեր առակի ո՞ր բառերի վերջադասութեան ձայնը պէտք է հնչելիս միացնել հետևեալ բառի նախադաս ձայնաւորի հետ («անց էր կենում» — անց էր): Այդ պատահում է թուով 10 անգամ: Նոյն բառերով նոր նոր նախադասութիւններ կազմիր,

զոր օր. «Փոթորիկն անց էր կենում», «Թեղծ աչքածակը մնաց թուրը բերանում» և այլն:

3. Մեր կարգացած հատուածների մէջ պատահում են այսպիսի ժողովրդական, կրօն, կամ նոյն իսկ անուշադրութեան ոճեր ու դարձուածներ.

«Աղւաւն ի՞նչ կը հարցնի օգոս կամ վնաս.

«Այնքան շատ են այն յիմարներ, որք . . .» ևլն:

Յոյց տուր դրանց գրականական ձևերը և հատուածների մէջ ջոկելու սլրիշ աւելի կամ պակաս նշանաւոր օրինակներն ևս:

4. «Ոսկոր», «մօտի ոսկորը» — ի՞նչ նշանակութիւն է տալիս «ը» յօդը: Պատմելուկի այն բոլոր բառերը հաւաքել, որոնք «ը» յօդով են որոշուած, և թէ իւրաքանչիւրը նրանցից ի՞նչ բառով է որոշուած: Շատ անգամ որոշիչ բառը դօրութեամբ է իմացւում.

«շունը նկատում է իր պատկերը» — այսինքն այն
շունը: Այդ բոլոր բառերից (երանց որոշիչներով՝
եթէ յայտնապէս նշանակուած են) կազմիր նոր նոր
նախադասութիւններ, դոր օր. «Մտալի ոտկորը շան
համեղ կերակուր է», «Շունը շորքոտանի (կենդանի)
է», «Վազող ջուրը քրքրէ շան կր լինի» և այլն:

5. Մեր ձեռնիկերպած հարցմունքներով շարադրել «Աշ-
քածակ շան» առակը:
6. Նոյնը պատմիր անցեալ ժամանակի ձևով:
7. Թող որ շունը պատմէ իւր վէպը:
8. Վէպը զեկուցանում է շների բազմութիւնը:
9. Խօսիր շան հետ, եղելութիւնը հարցափորձ անելով:
10. Պատմիր մի շան և երկու նապաստակի մասին:
11. Կատու և 2 մուկ:
12. Աղուէս և 2 հաւ:
13. Ընդարձակիր և ճոխացրու պատմելուկը նոր նոր՝
բայց կարեւոր հանգամանքներով:
14. Երևակայիր, որ քո առջև պատկերանում է շան
մերձեցումը կամրջին, և ոճով ու կարգով պատմիր
միմիայն տեսածներդ (առանց ենթադրութիւններ
անելու):

Սեդրակ Մանդինեան.

